

Te Kura o Ngāti Whātua ki Tāmaki

—
Mai te Pito
ki te Mata



Te Kura o Ngāti Whātua ki Tāmaki Mai te Pito ki te Mata

Poho kawau ana!

Kua tū Te Kura o Ngāti Whātua ki Tāmaki hei te Matariki 2026. Ko ngā reanga ka tauwhirotia tuatahitia ko ngā tau 9, me ngā tau 10.



Ehara tēnei i te whakatūwheratanga o tētahi kura nahenahe.

Koia te whakatinanatanga o te rautaki 2050 o Ngāti Whātua Ōrākei. Kia tupu ngā uri, he whai māia, he whai rawa, he whai ora.

Ka riro ko ngā ākonga me ngā whānau tuatahi, hei tāhūhū, hei heke, hei poupou o te kura nei. Ki a koutou te whakarite i te ahurea, i ngā tikanga, i ngā kawa, i te ara anō hoki o te kura. Mā te piri tuatahi mai ki tēnei kura, e whakairo tō whakapapa ki te kura, me he pou matua, o te Aka Matua e tū nei. Tū te ao, tū te pō.

I a mātou e māwhiti ana i tēnei wāhanga whakatū kura, ka whai mai ko ngā taipitopito.



Mō Te Kura o Ngāti Whātua ki Tāmaki



Ko te ara ako ki te kura, ehara i te tuakiri nahenahe. He patanga nui ki te whakapapa, ki te pakirehua, ki te rakahinonga, ka mutu, ki te ākengokengo e kemokemo mai nā.


He kura nō te iwi te kura nei. Ki te pōkapū o Tāmaki Makaurau, te Tōangaroa, te whenua o Ngāti Whātua Ōrākei. Anei te pōhewa nui o Whātuanuku, o Whātuarangi e whakamiharo ake nei.



Mātua ko te reo Māori ki Te Kura o Ngāti Whātua ki Tāmaki, kia whenua te noho o ngā uara, te mātauranga me te tuakiri o Ngāti Whātua.

E hāngai pū ana tēnei kura ki ngā kura nui o te Rangatahi, hei hāpai i tō rātou:

- tū takotako, tū mārohirohi, Ngāti Whātua ake nei
- māia ki te arahi, ki te whakaaro arohaehae
- ora i te Ao Māori, i te ao hurihuri anō hoki
- Wananga i te onamata, te wā ki ngā tūpuna, me te anamata, te ao matihiko nei



Meka hohoro



1

Whakatūwheratanga:
Matariki 2026

2

Ngā tau ako:
(Hei tīmatanga) Tau 9 – 10

3

Reo Matua o te kura:
Te Reo Māori,
Te Reo Whātua.

4


Wāhi: Te Tōangaroa,
8 Tangihua Street,
Tāmaki Makaurau

He aha te motuhaketanga o Te Kura o Ngāti Whātua ki Tāmaki?



Ko te whānau te kaiurungi o te ako

He awenga nui tō te whānau ki te whanaketanga a te Rangatahi. Mā te whānau te kaupapa e kawē ki tua o ngā whāinga matua. Ka kuhu ana te whānau, ka angitu te ākongā.



Mā te iwi e arahi, kua ko te ara reo Māori nahenahe

Kua hāngai nui te marau ki te Anga Marau o Ngāti Whātua me tōna hāngai ki Te Marautanga o Aotearoa. Ko ngā kōrero tuku iho, hitōria, whakapapa o Ngāti Whātua kua whakararau ki te pito o ngā akoranga.



Akoranga pakirehua: Mai i te Pito ki ngā Hau Wawara

Ka ako ngā rangatahi ki te tuhura i ngā momo kaupapa huahua o roto o te ao. Ka ako ki ngā rautaki rangahau me he hunga tohu kairangi, te kōrero me he pūkōrero, pūkaranga i te marae, te whakaaro me he kairautaki, ka mutu, te whakaaroaro ki ako ake nei, ake nei.



Pakiri ā-Uri

He peka nui te Rakahinonga ki te tuakiri o Ngāti Whātua Ōrākei. Ka whanake ngā rangatahi i ō rātou pūkenga ahumoni, whakaaro rautaki, me te wheako i te ao pakihī. Ko te Tōangaroa, te ōhanga ā-iwi, te pou matua e tū nei.



Kai Ora, Uri Ora

Ko te kai ora, ia rā te mahi. Ko te mātauranga kai kua whakararau ki te marau. Ka ako ngā rangatihī i te tino rangatiratanga o te kai, te mātauranga maramataka, me ngā rautaki kaitiakitanga e hono ai te whenua, ngā wai me te hauora.



Hangarau Matihiko me te Atamai Hangahanga (A.I)

Ko te hangarau he taputapu taunaki i te ako, ehara te hangarau i te ākongā. Ka ako ngā Rangatahi i ngā mōtika o te whakamahi hangarau, te tuhiwaehere, waihanga toi matihiko, me te whakamahi hangarau. Katoa e whakawhenuatia e te rangatiratanga me te kaitiakitanga.

Whakauru

Ka tūwhera ana Te Kura o Ngāti Whātua ki Tāmaki, ko ngā tau 9 me ngā tau 10, ngā akonga tuatahi, hei te tau 2026.

Ko te motuhaketanga o te kura, ko te Ngāti Whātuatanga, Ara reo Māori. Ka kore e ako i te reo Māori, ka ako i te marau rā te reo Māori. He taumata reo me eke te ākongā e āhei ia te kuhu ki tēnei kaupapa ara reo Māori.



Ahakoā tērā, he ara ora tō mātou.
Mehemea e hiahia marika ana te Rangatahi i tēnei ara ako, engari, kāhore i a ia te taumata reo e tika ana, me wānanga tahi tātou. Ko tō mātou rautaki whānui, kia whakarite ara taunaki i ngā Rangatahi me ngā whānau me tō rātou ara ako i te reo.

Ka taunakitia ngā whānau me ngā tamariki e mātou. Aini ka tuku i ngā kawatau whakauru me te tukanga hei te wā ka whakatauria.

Kākahu ōrite



He taurite te āhua o ngā kākahu ki te ara e koke nei tātou. I te mea he kura hou mātou, ka tupu tahi te āhua o ngā kākahu me ngā ākonga tuatahi, ā, e hāngai pū ki ngā wawata o Ngāti Whātua Ōrākei.

Mā ngā ākonga me ngā whānau e kuhu ki te whakaāhua i ngā kākahu nei, e hāngai hoki ki:

- Te Tuakiri o Ngāti Whātua
- Te Kairangitanga me te Whakahītanga
- He tika mō te kaupapa o te mahi
- Ka tuku ngā taipitopito i a mātou e whanake ana i tō tātou kura.

Wāhi


Tau ana ki te Tōangaroa, rohe auaha,
kāhore e tawhiti te iwi me ōna pakihi,
me ōna hononga ā-ao.



8 Tangihua Street, Te Tōangaroa,
Tāmaki Makaurau

TAETAE MAI

- Ngā pahi matawhānui
- Pātata ki te Taupuni o Waitematā (Britomart)
- Te ara rā Ōkahu



Rēhitatia tō hiahia

He taipitopito anō māu?

Rehitatia tō hiahia, ka toro atu tētahi ki a koe ki te kōrero. Ka mutu ana tō rēhita, ka tukuna atu he puka iti o Te Kura o Ngāti Whātua ki Tāmaki.

PAE TUKUTUKU

ĪMĒRA



NGĀTI WHĀTUA ŌRĀKEI